

IN DIE HOOGGEREGSHOF VAN SUID-AFRIKA
(WES-KAAP HOË HOF, KAAPSTAD)

SAAKNOMMER:

A467/2010

5 **DATUM:**

12 NOVEMBER 2010

In die saak tussen:

SHARIEF PETERSEN

Appellant

en

10 **DIE STAAT**

Respondent

U I T S P R A A K

15 **CLEAVER, R:**

Die appellant was op 17 Augustus 2007 in hierdie hof suksesvol met 'n appèl teen sy skuldigbevinding en vonnis in die Mitchells Plain streekhof op 'n aanklag van moord en 'n
20 aanklag van roof met verswarende omstandighede. Op die moordklagte is hy gevonniss tot 20 jaar gevangenisstraf en op die roofo aanklag is hy gevonniss tot 15 jaar gevangenisstraf. Die skuldigbevindings en vonnisse is op 17 Augustus 2007 deur Blignault, R tersyde gestel omdat hy bevind het dat al die
25 noodsaaklike elemente van die misdrywe nie in die appellant /bw /...

se verduideliking erken is nie.

In sy uitspraak het Blignault, R bevind, in die lig van sy gevolgtrekking met betrekking tot die onvoldoendheid van
5 beskuldigde se pleiterkenning, dat dit nodig was om 'n bevel te maak kragtens artikel 312(1) van die Strafproseswet. Hierdie artikel bepaal dat waar 'n skuldigbevinding en vonnis ingevolge artikel 112 op hersiening of appèl tersyde gestel word, óf op grond daarvan dat subartikel (2) van die artikel nie nagekom is
10 nie, óf omdat artikel 113 toegepas moes gewees het, die Hof wat die appèl hoor die saak moet terugverwys na die Hof wat die vonnis opgelê het en daardie Hof gelas om die betrokke bepaling na te kom, of ingevolge artikel 113 te handel na gelang die geval.

15

Die bevel wat gemaak is het, onder andere, die volgende ingesluit: "Die saak word terugverwys na die streekhof ingevolge artikel 312(1) van die Strafproseswet sodat die appellant weer in daardie hof kan pleit." Dit is duidelik dat die
20 omvang van hierdie bevel nie in die streekhof besef is nie, want die streekhof het nie weer *de novo* met die saak begin nie, maar besluit om aan te gaan op die stukke wat voor die hof was. Gevolglik is daar nie gehoor gegee aan die bevel van Blignault, R nie en die stukke voor ons vandag is van nul en
25 gener waarde nie.

In die omstandighede word die saak van die rol verwyder, met die resultaat dat indien die saak deur die Staat verder gevoer word, die Staat sal moet voldoen aan die vorige bevel van hierdie hof. Dit volg van wat ek gesê het dat die

5 skuldigbevinding en vonnis wat na die vorige bevel in hierdie hof uitgevaardig is, van nul en gener waarde is nie. Die verrigtinge in die streekhof ten opsigte waarvan 'n uitspraak op 26 Oktober 2009 gegee is, ingevolge waarvan die appellant skuldig bevind is en die vonnis wat daarop gevolg word, word

10 tersyde gestel sodat daar uitvoering gegee kan word aan die vorige bevel van hierdie hof van 17 Augustus 2007.

15



CLEAVER, R

VAN HEERDEN, WnR: Ek stem saam.

20



 VAN HEERDEN, WnR